

تصوف

صاحب امتیاز و سر محرری
اورفه مبعوثی

شیخ صفوت

مرکز توزیعی باب عالی جاده سنده
جعبت کتبخانه سیدر

نسخه سی ۲۰ باره در

شرائط اشترا

سنه لکی ممالک عثمانیه ایچون
۳۰ غروش ، مصر و ممالک اجنبیه
ایچون ۷ فراقدر .

التصوف کله آداب : ابوحنس عمر بن مسله

عرفای امتک ، مقالات عارفانه لر سنه تصوفک صحیفه لری آجیقدر

تصوفه متعلق ، باحث شتادن باحث و مکارم اخلاق اسلامیک تعمیمنه خادم مجله معنویه در

اخطارات شرعیه

استانبول مبعوثی حسین جاهد بك ايله برشته مبعوثی حسن بك آراسنده دوللو حقه در مدتنبو دوران ایدن حوادثدن اوروا اعتیادات سقیمه نك ممالك عثمانیه به فرجه باب دخول اوله بیلمسی اندیشه سیله افکار اسلامیه متأثر بولمقده ایدی . احکام مقدسه شرعیه تطبیقاً قوانین عثمانیه جه فعل مذکورک ایقاعی ممنوعیت قانونیه دائره سنده ایهده طرفینک دین مبین اسلامه سالک بولمقداری جهته دوللو معامله سی حقه شریعت غرای اسلامیه نك اخطارات دینی سیله سکون و اعتداله دعوت ایدملری مشیخت جلیله اسلامیه دن انتظار ایدلمکده ایدی . اوراق حوادثده مطالعه اولمقداری اوزره معاملات مقتضیه شرعیه نك ایفا بیورلمسی خصوصده جانب جلیل فتوا بیا هیندن داخله نظارت جلیله سنه تذکره علیه تسطیر بیورلمش و (نهی عن المنکر) وجوب شرعیه امتثالاً مجلس شایخ اعضای کرامندن شیخ محمد سکرکی افندی حضرتلری طرفیدن دخی مطبوعات واسطه سیله بر نصیحتنامه نشر ایدلمشده . مشیخت علای اسلامیه نك اخطارات شرعیه سیله سکون افندی حضرتلری نك نشریات دینه لر سنه تصوف نامنه عرض شکران ایدر . و مبعوث

منار الیها حضراتنك اخطارات و نشریات مذکوریه اصفا ايله حبل متین اسلامیه تمسك بیورملرنی مکارم اخلاق اسلامیتارندن تمی و نیاز ایلرز . اوراق حوادث تذکره علیه مشیختنا هیندن بروجه آتی بحث ایدیلوردی : استانبول مبعوثی حسین جاهد بك ايله برشته مبعوثی حسن بك یئنده متصور اولمقداری اوراق حوادثده مطالعه اولان دوللو حقه درکی ممنوعیت ایدکده شرعیه نك و ایقاعی حائده شرعاً بایلمسی مقتضی معامله نك نه دن عبارت بولمقداری سیراً بیانیه دائر شورای علمیه دن یازیلان مذکره فتواخانه به لدی الحواله دوللو نك هربری دیکرک اجرا ایدیلدیکی فسلدن دولانی مسئول اولماق و طرفین یکدیگره دخی اباحه ایلک اوزره شخصین یئنده اجرا قتلان مقاتلندن عبارت اولمقداری جریان حال و سؤال واقعندن متفهم اولمقله شریعت غرای احمدیه ده اشبو فعلک اجرایی غیر جائز اولمقداری کبی نكده اباحه جاری اولمقداری و شبه اذن ايله قصاص ساقط اوله جفی جهته فعل مذکورک اجرا سندن صکره حی قالان کیمسه به مالدن دیت اعطایی واجب و کئندوسنک تعزیر شدید ايله تعزیر ایدلمسی لازم و فعل مذکورده طرفیندن قتل وقوع بولمسه سیله امر منکرکی ارتکابلرندن ناشی بومقوله اشخاصه اتم ترتب ایلکله شدله تعزیر اولمقداری

مثالو بر عظیم معصیتك عمداً ارتكابه بالقصد شاهد اولانلر توسط ایدنرایسه عادتاً معاونت و اشتراك ایتمش اوله جقلرندن شاهدلری دخی شهادتدن لوجه الله نهی و منع ایدرم . و مجلس معونان کرامله قوه اجرایشه هیئت علیه لری جاتبدن دخی منعکزی نیاز و استرحام ایلر و ممالك اجنبیهك . بـندهده اجراسنه میدان و برلماسی خصوصنه توسل بیورلمسینه ده هیئت مشار الیهان دیلرم و برده مذکور معصیت عظیمه استحلال ایدیلیرسه معاذالله کفر و شرعاً حرام و ممنوع اولدیفنی بیلهرک جرأت اولتورسه اکبر کبائر و اصراری دخی کذا کفر بولتدیفندن علی التقدیرین قاتل و مقتول عندالله و نظر شریعتده آثم و مستحق عقاب عظیم اولدیفنی کی مرتکبلرندن بریسی حیائنده قالدیفنی تقدیرده و کالشنده قالمسینی ملت قبول اتمیه جگهنده امین بولتدیفنی اخطار ایدرم .
التصیحه لله و التأثير من الله و لاحول و لا قوه الا بالله .

* *

اشبوا خطارات شرعیه و نصایح دینه اوزرینه طرفیز . دن علاوه ایدیله جگ برشی قالمش ایسه ده هر ایکی مبعوث محترمه یالکز شوجهتی اخطار ایدرزکه : (لیس الشدید بالصرعة و انما الشدید الذی یملک نفسه عند الغضب) حدیث شریفنده بیان بیورلدیفنی اوزره قهرمانلق : میدان مبارزه ده خصمه غلبه ایتک دکدر . بلکه حقیقی قهرمانلق : هنکام غضبده زمام نفسه مالک اولمقددر . اگر دوللودن مقصد : شان و شرفک محافظه سی اغورنده عالمه قارشو . بر قهرمانلق ابرازندن عبارت ایسه ایسته کاکرم اخلاق اسلامیه بولنلرک فوقده حقیقی بر قهرمانلغه دعوت ایدیزکه : دوللو مبارزملرنده بیک کره اولمک و اولدیرمک کی استحقاق حیاتک ، جسارت و شجاعتلرک و اصل اولامیه جنی بر مرئیه بلند انسانیتدر . بناءً علیه هر ایکی مبعوث محترمندن هر هانکیسی مکاکرم اخلاق اسلامیه دائره بنده نفسه مالک اوله رق کظم غیظ و عفو و صفح ایله معامله ایدر و دست مصافات و اخوق رفیقته تقدیم ایلرسه عالم اسلا تیک نظرندن


و بوقیل دیناً و شرعاً اجراسی تجویز ایدیلان بر فعلک حکومت سیهجه منع اولمسی مقتضایدوکی افاده ودر . کنار ایدلش اولدیفندن بر موجب درکنار فعل مذکورک منع بیورلمسی حقتده داخلیه نظارت جلیلهنه تذکره علیه مشیختنهای تسطیر بیورلدیفنی استخبار قلندشدر . سکوتی افندی حضرتلری طرفندن نشر ایدیلان نصیحتنامهك صورتی دخی بوجه آتیدر :

استانبول و برشته مبعوثلری حسین جاهد
و حسن بك افندیلر حضراته

اشغال بیوردیغکز غبطه خاص و عام اولان مقام جلیل طولانیسیله بر بریکزه کفو بولسیدیغکززدن یکدیگرکزه سوبلدیککز سوزلر تأثیر و تأثرده مساوی و کافی بولمش اولدیفنی و میانه کزده کی خصوصتک صورت مشروعه ده فصلی قابل بولدیفنی حالده تسکین غیظ ایدم . موب آره کزده دوللو اجراسنه تثبیت بیورلدیفنی بر قاجکوندن اوراق حرارنده دوران ایتکده در بك افندیلر ! ایکیگزکده شخصی بیلیم فقط اسمکزدن اسلام زاده اسلام اولدیغکز اکلا شیلور و مکاتب عالیه معلم و مدبریتده و قتیه بولنکزدن احکام شریعتدن بیکانه اولدیغکزده استدلال اولونیور . بناءً علیه او یله حیت جاهلیه غلیانی و نفس امارهك سوق حاکمانه سیله احتراماً اوراق حوادنه درج ایدمه جگم نهی و وعیدی مصرح آیات زاجره ربانیه و احادیث شریفه حضرت رسالتنهای ایله قطعی الثبوت فی الدارین عقوبت و غضب الهی بی موجب و هر دیانت و شریعتک و بالخاصه عالم اسلامیت و ذرات انسانیتک نفرتی مستوجب خلاف شرع شریف و دیانت و اوروپا ك بیهله علینده بولتدیفنی اقصای مراتب وحشت اولان (دوللو) معصیتك عمداً ارتکاب تثبیتدن له الحمد نصیحت و ارشاده مکلف اهل علم و مشایخ طرق علیمدن بولنقلم فستیه اسلامیت و شریعت مطهره و موقعکز حسیله فعلکز باشقهرینه قانون اتخا ایدلمک و مثال تشکیل ایتماک ایچون سلامت عمومیه نامه سزی منع و نهی ایدلرک شریعت مطهره احکامنه اتقیاده دعوت ایدرم . و او یله مقاتله

والاخرة حرام على اهل الدنيا وها حرامان على اهل الله
 حديث شریفه ثابتدر . بو حدیث شریفك معنای لطینی :
 دنیا اهل آخرته و آخرت اهل دنیایه دنیا و آخرتك
 هر ایکسی اهل الله حرامدر . دیکمدر اخص خواصه
 کنجیه بونلر : هر برشی که فوخته دیگر برشی وارد
 انك آفل و زائل اولدینی دنیا و آخرت ایسه بعض
 مخلوقات الهیهدن اولوب هر ایکسنك اعظم امور
 طعام و شہوتدن عبارت بولدینی بحق ادراك ایلیانلردر .
 بناء علیه دنیا و آخرتك هر ایکسی مراتب سنیهدن معدود
 اولدقلری جهته بونلردن اعراض ایدرك جناب واجب
 الوجود و فیض الحیر و الجود تعالی و تقدس حضرتلریه
 بوتون موجوداتلریه متوجه اولمشلردر . بو طائفه
 جلالتك پیشکاه عرفان و بصیرتارنده (والله خیر و اوبی)
 جمله جلالتك معنای انکشاف ایتش و (لاله الا الله)
 کلمه طیبه سنك حقیقی دخی عن الیقین تعین و تحقق ایشدر
 بونلرك نظرندهر هر کیم اولورسه اولسون ماسوای الهی به
 میل و توجه ایدن : شرک خفیدن خالی دکلددر . بنابرین
 انلرك زنده کافه وجودات ایکی قسمدری (الله) دیکریده
 (ماسو الله) در . موجوداتك هر ایکی قسمی ترازونك
 ایکی کوزی کیددر . انلرك قبیلریده بو ترازونك میلی
 مثابه سنهددر . قلبلری جناب کبریاه متوجه بولدقجه
 کدنه حسناتك و ماسوایه میل ایتدکجه کفه سیئاتك
 قتلترینه حکم ایشلرددر . برنجی طبقهك ایکنجیه
 نسبتله عوام اولدقلری کبی ایکنجی طبقه دخی اوچنجیه
 نسبتله بولهدر . شو حالد طبقات ثلاثه یالکز ایکی
 طبقهیه رجوع ایتش اولبور . ایشته بو حقیقتلر معلوم
 اولدقدن صکره دیرمک : وزیر اعظم حضرتلری بی
 انک بوسکک مرتبهدن انک آشاغی مرتبهیه دعوت ایدبور
 جالسوکه بن کندیلرینی انک آشاغی مرتبهدن اعلاهی
 علینیه ، انک بوسکک مرتبهیه دعوت ایلرم . بغداد ،
 طوس ، و دیگر هاتکی بر یردن اولورسه اولسون
 طریق الهی بردر بری دیکرندن دهها قریب دکلددر .
 هان حق تعالی حضرتلرندن نیاز ایلرمک بوکون فرصت

حقیقی قهرمانلک شرف عظیمی احراز ایتش اوله جقددر .
 اوروپا سیئاتنك بزلره نمونه امثال اولسنه بدل
 مکرم اخلاق اسلامیتک حسناتیه هر ایکی معوث
 محترمک اوروپا لیره بر مقتدای کمال اولمرینی بوتون
 صمیمیت قلبیه منزله تنی وانتظار ایلرز .



مکاتبات صوفیه

حجة الاسلام امام غزالی حضرتلری طریق صوفیهیه
 انتساب ایلدکن صوکره طوس قصبه سنده اختیار اقامت
 بیوردقلری اثناده بغداد نظامیه سنك مدرسه سکنتی قبول
 ایتلمی تمیاتیله وزیر اعظم نظام الملک طرفندن واقع اولان
 تکلیف و دعوت اوززینیه وزیر ، شاراییه یازمش اولدقلری
 مکتوبک صورت مترجمه سیدر .

..

بِسْمِ اللَّهِ الرَّحْمَنِ الرَّحِيمِ

(ولكل وجهة هو موليها فاستبقوا الخيرات)

معلومکدر اولسونک : انسانلر : متوجه اولدقلری
 قبله کاه مقاصد اعتباریه طوائف ثلاثیه منقسمدر برنجی
 عوام ، ایکنجیسی خواص ، اوچنجیسی اخص خراس
 طائفه لیددر . عوامک نظری یالکز دنیاتک لذائذ عاجله سنه
 منحصر درکه بونلرك درجه خسارتلری (ماذبان ضاریان
 فی زریته غم باکتر افساد من حب المال و الشرف فی
 دین المرء المسلم) حدیث شریفی ایله بیاب بیوردلشدر .
 حدیث شریفك مال منیسی : ایکی آزعین قوردک بر
 قیون آغیلته ایقاع ایدرجکلری مضرت : مال و شرف
 محبتك بر مسلمانك دینته ایرات ایدرجکی زیان و فسدیدن
 دهها زیاده دکلددر . دیکمدر . خواص ایسه آخرتی دنیایه
 ترجیح ایدنلر و عالم آخرتك (خیر و اوبی) اولدینی
 بیلهرك اعمال صالحیه چالیشانلردر بونلرك دخی قصور
 و نقصانی همتلری (الدنیا حرام علی اهل الآخرة